

Broj: 03-24-1189-1/2019
Sarajevo, 07.04.2022. godine

**PARLAMENT FEDERACIJE
BOSNE I HERCEGOVINE**

Bosna i Hercegovina
Federacije Bosne i Hercegovine
**PARLAMENT FEDERACIJE
SARAJEVO**

Priljeno: 08-04-2022			
Grp. jed.	Broj	Priloga	Vrijednost
01,02	-20-	500	121

- Predstavnički dom-
gosp. Mirsad Zaimović, predsjedavajući ✓
- Dom naroda –
gosp. Tomislav Martinović, predsjedavajući

Poštovani,

U prilogu Vam dostavljam **INFORMACIJU O SREDNJOROČNOJ STRATEGIJI RAZVOJA POLJOPRIVREDNOG SEKTORA U FEDERACIJI BOSNE I HERCEGOVINE (2015.-2019.GODINA, - PRODUŽENA DO KRAJA 2021. GODINE) I NJENOJ PRIMJENI U 2022. GODINI**, koju je Vlada Federacije Bosne i Hercegovine usvojila na 310. sjednici, održanoj 07.04.2022. godine, Zaključkom V. broj: 439/2022 od 07.04.2022. godine.

Molim Vas da, u skladu sa tačkom 2. Zaključka V. broj: 439/2022 od 07.04.2022. godine, u Prijedlog dnevnog reda prve naredne sjednice Doma naroda Parlamenta Federacije BiH uvrstite Strategiju razvoja Federacije Bosne i Hercegovine za period 2021.-2027. godine, koju sam u parlamentarnu proceduru uputio aktom broj: 03-02-202/2021 od 26.03.2021. godine.

S poštovanjem,


PREMIJER
Fadil Novalić

Prilog: Zaključak V. broj: 439/2022 od 07.04.2022. godine

GOVERNMENT

Na osnovu člana 19. stav (4) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), a u vezi sa članom 37. Zakona o razvojnem planiranju i upravljanju razvojem u Federaciji Bosne i Hercegovine („Službene novine Federacije BiH”, broj: 32/17), na prijedlog Federalnog ministarstva poljoprivrede, vodoprivrede i šumarstva, Vlada Federacije Bosne i Hercegovine, na 310. sjednici održanoj 07.04.2022. godine, donosi

ZAKLJUČAK

1. Usvaja se Informacija o Srednjoročnoj strategiji razvoja poljoprivrednog sektora u Federaciji Bosne i Hercegovine (2015.-2019. godina, produžena do kraja 2021. godine) i njenoj primjeni u 2022. godini, odnosno sve dok se ne steknu uslovi za usvajanje nove Strategije poljoprivrede i ruralnog razvoja u Federaciji Bosne i Hercegovine.
2. Zadužuje se Generalni sekretarijat Vlade Federacije Bosne i Hercegovine da Informaciju iz tačke 1. ovog zaključka dostavi Parlamentu Federacije Bosne i Hercegovine uz urgenciju Domu naroda Parlamenta Federacije Bosne i Hercegovine da što hitnije razmatra Strategiju razvoja Federacije Bosne i Hercegovine za period 2021.- 2027. godina jer je ista podloga za izradu svih ostalih strateških dokumenta u Federaciji Bosne i Hercegovine.
3. Ovaj zaključak stupa na snagu danom donošenja.

V. broj: *439* /2022
07.04.2022. godine
Sarajevo



INFORMACIJA

o Srednjoročnoj strategiji razvoja poljoprivrednog sektora u Federaciji Bosne i Hercegovine (2015.-2019.godina, - produžena do kraja 2021. godine) i njenoj primjeni u 2022. godini

Srednjoročna strategija razvoja poljoprivrednog sektora u Federaciji BiH (u daljem tekstu: poljoprivredna strategija) 2015. - 2019. godina je produžavana već u dva navrata iz razloga što nisu ispunjeni uslovi za donošenje nove sektorske strategije koji su propisani Zakonom o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17).

Navedeni Zakon je definisao ciljeve i principe razvojnog planiranja i upravljanja razvojem Federacije te propisao da će Strategija razvoja Federacije Bosne i Hercegovine, biti osnovna platforma socioekonomskog razvoja Federacije i služiti kao podloga za sve ostale strateške dokumente u Federaciji BiH kao i izradu sektorskih strategija.

U vezi gore iznesenog, uvažavajući da je članom 37. Zakona o razvojnom planiranju definisano da se sektorske strategije ne izrađuju do kraja 2020. godine jer postojeći strateški dokumenti ostaju na snazi do stupanja na snagu novog ciklusa planiranja, Vlada Federacije Bosne i Hercegovine je na 202. sjednici, održanoj 05.12.2019. godine, usvojila Informaciju o produženju važenja Srednjoročne strategije razvoja poljoprivrednog sektora u Federaciji BiH za razdoblje 2015 – 2019. godina do kraja 2020. godine i donesen je zaključak V.broj:1389/2019 od 05.12.2019. godine. U skladu sa tačkom 3. navedenog zaključka, Parlament FBiH je upoznat sa predmetnim i to Predstavnički dom na 6. vanrednoj sjednici od 17.12.2019. godine, a Doma naroda na 4. sjednici od 19.12.2019. godine.

Međutim, nakon što je Vlada Federacije Bosne i Hercegovine na 250. sjednici održanoj 08.01.2021. godine donijela Uredbu o dopuni Uredbe o izradi strateških dokumenata u Federaciji Bosne i Hercegovine te propisala da postupanje institucija svih nivoa vlasti Federaciji po navedenoj Uredbi počinje od 01.01.2022. godine, izvršeno je preispitivanje svih aktivnosti vezano za izradu naše sektorske strategije sa aspekata nadležnosti. S tim u vezi, a imajući u vidu gore izneseno, a posebno činjenicu da još uvijek nije usvojena Strategija razvoja Federacije Bosne i Hercegovine, zauzet je stav da je najispravnije produžiti primjenu postojeće sektorske strategije za još jednu godinu odnosno do kraja 2021. godine. S tim u vezi, Vlada Federacije Bosne i Hercegovine je na 255. sjednici, održanoj 11.02.2021. godine, usvojila Informaciju o produženju važenja Srednjoročne strategije razvoja poljoprivrednog sektora u Federaciji BiH za razdoblje 2015 – 2019. godina do kraja 2021. godine i donesen je zaključak V.broj:267/2021 od 11.02.2021. godine. O navedenom Vlada Federacije BiH je obavijestila Parlament Federacije Bosne i Hercegovine.

Također, u cilju usklađivanja sa Zakonom o razvojnom planiranju i upravljanju razvojem u Federaciji Bosne i Hercegovine, pokrenute su aktivnosti za izmjenu člana 5. Zakona o poljoprivredi („Službene novine Federacije BiH“, br. 88/07, 4/10 i 7/13) Usvojenim Zakonom o izmjenama Zakona o poljoprivredi („Službene novine

Federacije BiH", broj: 82/21) je usklađen proces strateškog planiranja sa Zakonom o razvojnom planiranju i Uredbom o izradi strateških dokumenta te između ostalog definisano da se poljoprivredna strategija donosi za period od sedam godina (ranije je Zakonom bilo određeno pet godina).

Radi svega gore navedenog, Federalno ministarstvo poljoprivrede, vodoprivrede i šumarstva je postupajući po Zakonu o razvojnom planiranju i implementacionim dokumentima, a kako ne bi došli u situaciju da nemamo poljoprivrednu strategiju, pripremilo Odluku o izradi strategije poljoprivrede i ruralnog razvoja Federacije Bosne i Hercegovine 2021-2027. godina.

Međutim, nakon izmjene Uredbe o izradi strateških dokumenta, na 277. sjednici Vlade Federacije Bosne i Hercegovine, 19.08.2021. godine, izmijenjena je i predmetna Odluka te je produžen rok za donošenje poljoprivredne strategije. Temeljem navedene Odluke, provedene su aktivnosti u cilju pripreme za izradu Strategije poljoprivrede i ruralnog razvoja. Imenovan je Koordinacioni odbor i Izvršni tim i ostala stručna tijela i izrađen je nacrt sektorske strategije 2021.-2027. godina, koja je trenutno u javnoj raspravi, a koja se u procesu izrade, usklađivala sa izrađenom Strategijom razvoja Federacije BiH 2021.-2027. godina vezano za strateške ciljeve u poljoprivredi i ruralnom razvoju. Naime, opravdano se očekivalo da će se razvojna strategija Federacije BiH, pravovremeno usvojiti jer je već dostavljena u parlamentarnu proceduru i razmatrana i potvrđena na Predstavničkom domu Federacije BiH ali radi još nije razmatrana na Domu naroda Parlamenta FBiH.

Kako je važenje poljoprivredne strategije u Federaciji Bosne i Hercegovine isteklo na kraju 2021. godine, a još uvijek nije usvojena Strategije razvoja Federacije BiH i još nije završen novi ciklus programiranja politike u EU, u ovom periodu izrada i usvajanje nove strategije poljoprivrede bi bilo u suprotnosti sa Zakonom o razvojnom planiranju i upravljanju razvojem u Federaciji Bosne i Hercegovine.

Radi toga ponovo smo u situaciji da svoje aktivnosti na izradi sektorske strategije trebamo prolongirati jer istu ne možemo dostaviti Parlamentu Federacije BiH dok se ne usvoji federalna razvojna strategija jer je ista u skladu sa zakonskim propisima, podloga za izradu svih ostalih strateških dokumenta u FBiH.

Naglašavamo da se poljoprivredna politika provodi na osnovu Strategije poljoprivrede i ruralnog razvoja Federacije BiH i u skladu sa Zakonom o poljoprivredi („Službene novine Federacije BiH", br. 88/07, 4/10, 7/13 i 82/21). Izbor prioriteta za novčanu podršku, novčani iznosi za pojedine vrste poticaja i uslovi koje moraju ispunjavati poljoprivredna gazdinstva da bi ostvarila poticaj, utvrđuju se Zakonom o novčanim podrškama u poljoprivredi i ruralnom razvoju ("Službene novine Federacije BiH", br. 42/10 i 99/19) na osnovu kojeg se izrađuje godišnji Program novčanih podrški

Posebno ističemo da smo imajući u vidu sve naprijed navedeno, a u cilju osiguranja uslova za dodjelu poticajnih sredstava iz Budžeta Federacije BiH u 2022. godini, već poduzeli niz aktivnosti da se što hitnije donese Program novčanih podrški za 2022. godinu jer poljoprivredni proizvođači u Federaciji BiH ne smiju i ne trebaju biti oštećeni radi neusvajanja strateških dokumenata.

Pored toga, neophodno je hitno djelovanje vezano za donošenje Programa jer je Zakonom o izvršavanju Budžeta Federacije Bosne i Hercegovine („Službene novine Federacije BiH“ broj 25/22) propisano da za sredstva utvrđena na razdjelu 24 glava 2401 Budžeta, ekonomski kod 614500 - Subvencije privatnim preduzećima i poduzetnicima - Poticaj za poljoprivredu za 2022. godinu, Vlada Federacije će u skladu sa ukazanom potrebom, na prijedlog resornog ministarstva, najkasnije u roku od 15 dana od dana stupanja na snagu navedenog Zakona, donijeti Program utroška sredstava.

Radi svega naprijed iznesenog, potrebno je da se postojeća Srednjoročna strategija razvoja poljoprivrednog sektora u Federaciji Bosne i Hercegovine za period 2015.-2019. godina, a čije važenje je produženo do kraja 2021. godine, primjenjuje i u 2022. godini, odnosno sve dok se ne donese Strategija razvoja Federacije Bosne i Hercegovine i ne steknu uslovi za usvajanje nove Strategije poljoprivrede i ruralnog razvoja u Federaciji BiH.

U skladu sa Zakonom o razvojnom planiranju i upravljanju razvojem u Federaciji Bosne i Hercegovine, nakon usvajanja na Domu naroda Parlamenta Federacije BiH Strategije razvoja Federacije Bosne i Hercegovine 2021-2027. godina, stvorit će se uslovi da se u skladu sa članom 5. Zakona o poljoprivredi („Službene novine Federacije BiH“, br. 88/07, 4/10, 7/13 i 82/21), usvoji nova Strategija poljoprivrede i ruralnog razvoja Federacije Bosne i Hercegovine za period od sedam godina.